

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst
(„Službene novine Zeničko-dobojskog kantona“, broj: 7/10) Vlada Zeničko-dobojskog kantona, na
132. sjednici održanoj 12.02.2018. godine, d o n o s i

KANTON ZENIČKO-DOBOJSKI			
Primljeno: 13.02.2018.			
Org. jed.	Broj	Prilog	Vrijednost
01	02	2268	18

ZAKLJUČAK

I

Utvrdjuje se Prijedlog Zakona o izmjeni i dopunama Zakona o policijskim službenicima Zeničko-dobojskog kantona.

II

Prijedlog Zakona iz tačke I ovog Zaključka se upućuje u dalju skupštinsku proceduru po skraćenom postupku.


III

Zaključak stupa na snagu danom donošenja.

Broj: 02-01-2268 /18.
Datum, 12.02.2018. godine
Zenica

DOSTAVLJENO:

- ☒ Stručna služba Skupštine,
- 1x Stručna služba Vlade,
- 1x Ministarstvo unutrašnjih poslova,
- 1x a/a.



Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na ____ sjednici održanoj dana __.__. 2018. godine, d o n o s i

ZAKON
O IZMJENI I DOPUNAMA ZAKONA O POLICIJSKIM SLUŽBENICIMA ZENIČKO-
DOBOJSKOG KANTONA

Član 1.
(Izmjena člana 122.)

U Zakonu o policijskim službenicima Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 4/14), u članu 122. stav (2) tačka b) mijenja se i glasi:

"b) kada navršši 65 godina života i najmanje 15 godina staža osiguranja, odnosno najmanje 20 godina penzijskog staža ili kada navršši 40 godina staža osiguranja bez obzira na godine života".

Član 2.
(Dopuna poglavlja)

Iza POGLAVLJA X., dodaje se novo poglavlje Xa. i članovi 123a. i 123b. koji glase:

"POGLAVLJE Xa.-PENZIONISANJE POLICIJSKIH SLUŽBENIKA

Član 123a.
(Uslovi za sticanje prava na penziju policijskog službenika)

- (1) Policijski službenik je lice definisano u članu 2. Zakona o penzijskom i invalidskom osiguranju i pravo na penziju ostvaruje pod uslovima utvrđenim Zakonom o penzijskom i invalidskom osiguranju i ovim zakonom pod uslovom da je:
 - a) imao neprekidno najmanje 15 godina staža osiguranja u svojstvu policijskog službenika i
 - b) u vrijeme sticanja prava na penziju ima svojstvo policijskog službenika.
- (2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.
- (3) Odredbe stava (2) ovog člana odnose se i na policijskog službenika koji usljed zadobijenih povreda na radu uzrokovane neposrednim izvršenjem službenih poslova i zadataka bude proglašen invalidom I kategorije.

Član 123b.
(Pravo na ostvarivanje posebnog staža policijskog službenika)

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 123a. stav (1) ovog zakona samo uz pismenu saglasnost lica na kojeg se ta saglasnost odnosi".

Član 3.
(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:
Datum,
Zenica

Predsjedavajući Skupštine
Jasmin Duvnjak

Obrazloženje

I – PRAVNI OSNOV

Predloženi Zakon o izmjeni i dopunama Zakona o policijskim službenicima Zeničko-dobojskog kantona donosi se na osnovu člana 37. stav 1. tačka f) Ustava Zeničko-dobojskog kantona.

II – RAZLOZI ZA DONOŠENJE ZAKONA

Zakon o policijskim službenicima Zeničko-dobojskog kantona - Prečišćeni tekst objavljen je u „Službenim novinama Zeničko-dobojskog kantona“, broj: 4/14.

Donošenju Zakona o izmjeni i dopunama Zakona o policijskim službenicima Zeničko-dobojskog kantona pristupilo se radi usaglašavanja teksta sa Zakonom o policijskim službenicima Federacije Bosne i Hercegovine, i Zakonom o penzijskom i invalidskom osiguranju Federacije Bosne i Hercegovine. Donošenju pomenutih zakona prethodilo je potpisivanje Sporazuma između Vlade Federacije BiH i Sindikalnih predstavnika policijskih službenika a vezano za donošenje Zakona o penzijskom i invalidskom osiguranju F BiH i Zakona o dopunama Zakona o policijskim službenicima Federacije BiH. Napominjemo da su pomenuti Zakoni usvojeni u Domu naroda Parlamenta Federacije Bosne i Hercegovine dana 25.1.2018. godine i čije objavljivanje se očekuje u "Službenim novinama Federacije BiH".

Obzirom da pomenuti zakoni nisu još objavljeni u "Službenim novinama F BiH", Zakon o izmjeni i dopunama Zakona o policijskim službenicima Zeničko-dobojskog kantona predlažemo iz razloga kako ne bi došlo do pravnog vakuuma prilikom odlaska policijskih službenika u starosnu penziju i ostvarivanja prava po istom.

III – PRAVNA RJEŠENJA

U nastavku slijedi pojedinačno obrazloženje izmjene i dopuna:

- Izmjena u članu 1. se odnosi na izmjenu člana 122. stav (2) tačka b) kojom se propisuje uvjet za ostvarivanje starosne penzije, i ista se usklađuje sa odredbom člana 40. Zakona o penzijskom i invalidskom osiguranju po kojoj policijski službenik ostvaruje pravo na starosnu penziju kada navrši 65 godina života i najmanje 15 godina staža osiguranja, odnosno najmanje 20 godina penzijskog staža ili kada navrši 40 godina staža osiguranja bez obzira na godine života.

- Dopuna u članu 2. se odnosi na dodavanje novog poglavlja Xa. koje se odnosi na PENZIONISANJE POLICIJSKIH SLUŽBENIKA, i dodavanjem novih članova 123a. i 123b.

Član 123a. se odnosi na uslove za sticanje prava na penziju policijskog službenika kojim je propisano da policijski službenik pravo na penziju ostvaruje pod uvjetima utvrđenim Zakonom o penzijskom i invalidskom osiguranju i ovim zakonom pod uslovom da je:

- a) imao neprekidno najmanje 15 godina staža osiguranja u svojstvu policijskog službenika
- i
- b) u vrijeme sticanja prava na penziju ima svojstvo policijskog službenika.

U stavu (2) pomenutog člana propisano je da će se policijskom službeniku lični koeficijent za ostvarivanje prava na penziju utvrditi na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljniji.

U stavu (3) propisano je da će se lični koeficijent za ostvarivanje prava na penziju na osnovu pet godišnjih plaća odnositi i na policijskog službenika koji usljed zadobijenih povreda na radu uzrokovanih neposrednim izvršenjem službenih poslova i zadataka bude proglašen invalidom I kategorije.

Član 123b. se odnosi na ostvarivanje posebnog staža policijskog službenika, kojim je propisano da se poseban staž iz Zakona o penzijskom i invalidskom osiguranju u jednostrukom trajanju uračunava u staž osiguranja za policijskog službenika samo uz pismenu saglasnost lica na kojeg se ta saglasnost odnosi

IV – FINANSIJSKO OBRAZLOŽENJE

Predložene izmjene i dopune Zakona o policijskim službenicima Zeničko-dobojskog kantona ne iziskuju dodatna finansijska sredstva u budžetu Kantona.

MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA

MINISTAR
Nikola Arsenić



Broj: 07-02-1996/18
Zenica, 09.02.2018. godine

MINISTARSTVO UNUTRAŠNJIH POSLOVA

PREDMET: Mišljenje na Prijedlog Zakona o izmjeni i dopunama Zakona
o policijskim službenicima Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o izmjeni i dopunama Zakona o policijskim službenicima Zeničko-dobojskog kantona, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje sljedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16 i 5/18), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U tački IV Obrazloženja Prijedloga Zakona o izmjeni i dopunama Zakona o policijskim službenicima Zeničko-dobojskog kantona, navedeno je da „predložene izmjene i dopune Zakona o policijskim službenicima Zeničko-dobojskog kantona ne iziskuju dodatna finansijska sredstva u budžetu Kantona.“

U dostavljenoj Izjavi o fiskalnoj procjeni – Obrazac IFP-NE od 06.02.2018. godine, navedeno je da „provođenje Zakona o izmjeni i dopunama Zakona o policijskim službenicima Zeničko-dobojskog kantona, neće rezultirati fiskalnim posljedicama na budžet.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti.

S poštovanjem!

Dostavljeno:

1x Naslovu,
1x a/a.



MINISTAR

Andrej Kajić





Broj: 03-02-1996-1/18
Zenica, 09.02.2018 godine

**MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA**

PREDMET: Mišljenje o prijedlogu Zakona o izmjeni i dopunama Zakona o policijskim službenicima Zeničko-dobojskog kantona - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 5/11), te na osnovu uvida u tekst prijedloga Zakona o izmjeni i dopunama Zakona o policijskim službenicima Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov prijedloga Zakona o izmjeni i dopunama Zakona o policijskim službenicima Zeničko-dobojskog kantona (u daljem tekstu: Zakon) je pravilno utvrđen, u skladu sa ustavnim i zakonskim ovlaštenjima Kantona.

Prijedlog Zakona je usklađen sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Prema izjavi obrađivača sadržanoj u obrazloženju, kao posebnom dokumentu koji je podnesen uz prijedlog Zakona, isti je usaglašen sa „novim“ Zakonom o penzijskom i invalidskom osiguranju Federacije Bosne i Hercegovine i Zakonom o dopunama Zakona o policijskim službenicima Federacije Bosne i Hercegovine, koji su doneseni 25.01.2018.godine i čije stupanje na snagu se očekuje nakon objavljivanja u „Službenim novinama Federacije BiH“. Dokaz toj tvrdnji je sadržan u priloženom Sporazumu koji je Vlada Federacije Bosne i Hercegovine potpisala sa predstavnicima policijskih sindikata.

Shodno navedenom, Sekretarijat za zakonodavstvo uvjetuje davanje mišljenja o usklađenosti sa pravnim sistemom, objavljivanjem, odnosno stupanjem na snagu Zakona o penzijskom i invalidskom osiguranju Federacije Bosne i Hercegovine i Zakona o dopunama Zakona o policijskim službenicima Federacije Bosne i Hercegovine, prije razmatranja predmetnog prijedloga Zakona na Skupštini Zeničko-dobojskog kantona.

Kada je u pitanju prijedlog obrađivača da se Zakon donese po skraćenom postupku, bez nacрта, smatramo potrebnim podsjetiti da se zakoni u pravilu, trebaju donositi u redovnom postupku.

No kako će o prijedlogu da se Zakon donese po skraćenom postupku, odlučivati Skupština kao o prethodnom pitanju, na sjednici, tokom rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Novi prečišćen tekst („Službene novine Zeničko-dobojskog kantona“ broj 7/12 i 12/13), mišljenja smo da se prijedlog Zakona može uputiti u dalju procedure.

S poštovanjem!

Dostavljeno:
1 x Naslovu,
1 x Sekretar Vlade,
1 x a/a



SEKRETAR
[Signature]
Berjana Ačkar